

UGOVOR

„Izrada investiciono- tehničke dokumentacije: Glavni- izvedbeni projekat za rehabilitaciju regionalnog puta R447 Dariva- Hreša- granica entiteta (L= cca 5 km), dionica I: spoj sa M5 do početka saniranog dijela u dužini cca 500m (do starog željeznog mosta), dionica II: parking za autobuse dužine 80m širine 9m (stac 0+280 do 0+360), dionica III: rezervoar na Brusuljama u dužini 150m- od kraja saniranog dijela do mosta (stac. cca 2+450 do 2+600)“

UGOVORNE STRANE:

DIREKCIJA ZA PUTEVE KANTONA SARAJEVO, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač dipl. ing. saob. (u daljem tekstu: **Naručilac**)

i

EDI-ING d.o.o. Donji Vakuf, ul. 705. Slavne brdske brigade broj 13, JIB: 4236149360008, koje zastupa direktorica Fatima Karadža (u daljem tekstu: **Izvršilac**)

PREDMET UGOVORA

Član 1.

Predmet ovog ugovora su usluge Izrade investiciono- tehničke dokumentacije: Glavni- izvedbeni projekat za rehabilitaciju regionalnog puta R447 Dariva- Hreša- granica entiteta (L= cca 5 km), dionica I: spoj sa M5 do početka saniranog dijela u dužini cca 500m (do starog željeznog mosta), dionica II: parking za autobuse dužine 80m širine 9m (stac 0+280 do 0+360), dionica III: rezervoar na Brusuljama u dužini 150m- od kraja saniranog dijela do mosta (stac. cca 2+450 do 2+600), u svemu prema postupku javne nabavke broj 04-11-51155/20, provedenog putem otvorenog postupka, dostavljene ponude Izvođača radova i Odluke o izboru najpovoljnijeg ponuđača, donesene u predmetnom postupku.

Član 2.

Predmet ugovora definisan je zahtjevom **Naručioca**, specifikacijom i tenderskom dokumentacijom.

CIJENA I NAČIN PLAĆANJA

Član 3.

Ugovorne strane su saglasne da je ukupna cijena iz člana 1. ovog Ugovora definisana prihvaćenom ponudom i iznosi

4.797,00 KM sa PDV-om
(slovima: četirihiljadeseдамstotinadevedesetsedam i 00/100 KM)
4.100,00 KM bez PDV- a

Ugovorene strane su saglasne da je utvrđena cijena, iz člana 1. ovog ugovora fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove.

Cjenovnik utvrđuje se na temelju jediničnih cijena iz ponude, po vrstama poslova.

Član 4.

Ugovorne strane su saglasne da će se plaćanje izvršene usluge vršiti na sljedeći način: na osnovu stvarno izvršenih usluga u roku od 60 (šezdeset) dana od odobravanja računa od strane ovlaštenog lica za zastupanje Naručitelja.

ROK ZA IZVRŠENJE

Član 5.

Izvršioca se obavezuje da će poslove koji su predmet ovog ugovora izvršiti u skladu sa ugovorenim obimom i utvrđenom dinamikom u roku od 45 (četrdesetpet) dana od dana obostranog potpisivanja ugovora.

Izvršilac ima pravo da zahtjeva produženje roka za izvršenje u slučajevima kada je to opravdano, u slučaju nastupanja izvanrednih okolnosti koje onemogućavaju izvršenje po predviđenoj dinamici.

Opravdanim razlozima za produženje roka smatraju slučajevi koji se ne mogu u dovesti u vezu sa odgovornošću Izvršioca (prirodne nepogode više sile (poplave, zemljotresi, sl), geološki, hidro-klimatski uslovi, mjere predviđene aktima nadležnih organa, nastanak uvjeta koji nisu predviđeni tehničkom dokumentacijom i sl). U slučaju eventualnog nastanka osnova za podnošenje zahtjeva za produženje roka Izvršilac je dužan zahtjev podnijeti prema Naručiocu po hitnom postupku u odnosu na momenat nastupanja nepredviđene okolnosti.

KAZNA ZA KRŠENJE ROKA IZVRŠENJA

Član 6.

Izvršilac se obavezuje da održava kontinuitet i dinamiku izvršenja svojih obaveza, kako bi se posao završio u roku određenim ovim Ugovorom.

U slučaju zakašnjenja u normalnim uslovima Naručilac će tolerisati Izvršiocu prekoračenje roka od 2 (dva) dana od ugovorenog roka.

Za svaki dan zakašnjenja završetka posla preko 2 (dva) dana Izvršilac će platiti Naručiocu kaznu u iznosu 0,5% ugovorene vrijednosti za svaki naredni dan zakašnjenja. Maksimalna kazna za kašnjenje je 5% od ukupno ugovorene vrijednosti posla.

U slučaju kada Ugovorni organ ocjeni opravdanim produženje roka, ili kada potreba produženja roka nastane bez krivice i odgovornosti Izvršioca, pomenuta kazna se ne zaračunava.

OBAVEZE IZVRŠIOCA

Član 7.

Izvršilac se obavezuje:

- izvršiti sve ugovorene obaveze u potpunosti a kako je to predviđeno specifikacijom/predmjerom i ostalim prilogima koji čine sastavni dio ugovora,
- ugovorene poslove obaviti u skladu sa važećim propisima i pravilima za tu vrstu posla, kao i zahtjevima naručioca navedenim u specifikaciji i pozivu za ponudu,
- garantovati kvalitetno izvršenje, i
- održavati kontinuitet i dinamiku izvršenja svojih obaveza i u ugovorenom roku izvršiti posao iz predmeta ovog ugovora.
- u svemu postupati prema nalogima naručioca ujedno poštujući odredbe pozitivno pravnih propisa, ovog ugovora.

Član 8.

Ukoliko Izvršilac ne izvodi posao u skladu sa zahtjevanim kvalitetom, odnosno važećim tehničkim propisima, standardima, smjernicama i usvojenoj dokumentaciji, ili izvršava na način kojim se ugrožava sigurnost prometa, Ugovorni organ ima pravo da obustavi daljnje izvođenje posla i da od Izvršioca zahtjeva da u datom primjerenom roku koji definiše Naručilac otkloni nedostatke.

Ukoliko Izvršilac ni u naknadno utvrđenom roku ne izvršava ugovorne obaveze, Ugovorni organ može raskinuti ugovor i posao ustupiti drugom Izvršiocu.

Izvršiocu se neće platiti posao koje bude izvodio nakon pismenog naloga Ugovornog organa kojim se nalaže obustava i isti je odgovoran je za sve posljedice koje mogu proisteći iz osnova nepridržavanja obustave.

Izvršiocu se neće platiti ni poslovi koji nisu izvršeni prema nalogima, tehničkoj dokumentaciji, standardima, smjernicama i pravilima. Naručilac ima pravo da Izvršiocu odbije dio naknade od iznosa fakture za nekvalitetno i nepotpuno izvedeni posao.

Sve štete nastale usljed neizvršenja posla, nekvalitetnog, neblagovremenog, neadekvatnog i nepotpunog izvršenja, kao i štete prema Naručiocu i trećim licima, za koje je odgovoran Izvršilac, nadoknaditi će sam Izvršilac.

Na osnovu pismenog izvještaja o neizvršavanju ugovornih obaveza Naručioc može raskinuti ovaj ugovor i tražiti naknadu prouzrokovane štete.

Član 9.

Izvršilac je dužan poslove izvoditi u skladu sa usvojenom tehničkom dokumentacijom, pozitivnim zakonskim propisima, važećim tehničkim propisima, standardima i smjernicama i pravilima struke.

OBAVEZE NARUČIOCA

Član 10.

Naručioc se obavezuje :

1. pravovremeno uputiti prigovore na eventualne propuste a koji nisu u skladu sa Ugovorom i ponudom,
2. uredno izvršiti plaćanje,

USTUPANJE POSLA

Član 11.

Izvršilac nema pravo u cjelosti ili djelimično ustupiti ugovorene poslove drugom pravnom licu.

VIŠA SILA

Član 12.

Ako slučaj više sile potpuno ili djelimično spriječi izvršenje obaveze po ovome ugovoru, ugovorna strana koja se poziva na slučaj više sile obavezna je da obavijesti drugu ugovornu stranu u roku od 3 (tri) dana od nastanka više sile.

KORIŠTENJE UGOVORNIH DOKUMENATA I INFORMACIJA - POSLOVNA TAJNA

Član 13.

Izvršiocu nije dozvoljeno, bez izričitog pristanka Naručioca, objaviti Ugovor u cijelosti ili dijelovima ili informacije primljene od Naručioca. Navedeno se ne odnosi na informisanje ili pristup dokumentaciji svog osoblja ali sve samo u mjeri u kojoj je to potrebno za njihovo izvršavanje Ugovora.

Dokumente i podatke prema ovom ugovoru, Izvršioc i osobe koje se navode u toj odredbi trebaju čuvati kao poslovnu tajnu tokom izvršavanja Ugovora i u daljem roku od dvije godine, te su odgovorni za povredu navedene obaveze.

RJEŠAVANJE SPOROVA I MJERODAVNO PRAVO

Član 14.

Naručilac ima pravo da raskine ugovor ako Izvršilac propusti da izvrši svoje obaveze u toj mjeri da je opravdano očekivati da neće izvršiti kvalitetno ugovorenu obavezu u roku koji bi za Naručioca bio prihvatljiv. U tom slučaju ugovorni organ neće platiti Izvršiocu onaj dio posla koji je u nastavku rada nemoguće koristiti.

Ugovorne strane će nastojati svaki spor iz Ugovora ili u vezi s izvršenjem istog riješiti pregovorima i u duhu dobrih poslovnih odnosa.

Ako se pregovorima i u duhu dobrih poslovnih odnosa sporovi iz prethodnog stava ne mogu u razumnom roku riješiti, sve sporove iz Ugovora i u vezi s njim, uključujući i sporove koji se odnose na pitanja njegovog valjanog nastanka, povrede ili prestanka, kao i pravne posljedice koje iz toga proističu, konačno će se riješiti pred nadležnim sudom u Sarajevu.

Prava i obaveze ugovornih strana regulisana su pozitivnim zakonskim propisima u BiH.

POSEBNE ODREDBE

Član 15.

Ovaj ugovor ostaje na snazi do potpunog izvršenja ugovorenih poslova. Ugovorene strane mogu sporazumno otkazati ovaj ugovor i prije njegovog izvršenja ukoliko, neovisno od

ugovorenih strana, nastupe okolnosti, koje bitno utiču na predmet izvršenja ugovora. U tom slučaju ugovor se raskida ili se prema potrebi zaključuje novi ugovor.

Prava i obaveze ugovornih strana, po ovom Ugovoru u svakom pogledu regulisana su pozitivnim zakonskim propisima BiH.

Izvođač nema pravo zapošljavati u svrhu izvršenja ovog ugovara fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Sve obaveze vezane za ovaj ugovor biti će sačinjeni u pismenoj formi, uključujući i odobrenja, naloge, uputstva i sl.

ZAVRŠNE ODREDBE

Član 16.

Ovaj ugovor stupa na snagu danom obostranog potpisivanja.

Sastavni dio ovog ugovora su njegovi prilozi, i to:

- *Obrazac za dostavljanje ponude*
- *Projektni zadatak iz ponude*

Član 17.

Ovaj ugovor je sačinjen u 6 (šest) primjeraka, od čega svaka od ugovornih strana zadržava po 3 (tri) primjerka.



IZVRŠILAC:



**Fatima Karadža
Direktorica**

EDI-ING d.o.o. Donji Vakuf

Broj: *01-5-U-1/21*

Datum: *26.02.2021. god.*



NARUČILAC:

**Selmir Kovač dipl. ing. saob
Direktor**

Direkcija za puteve Kantona Sarajevo

Broj: 04-11-51155/20

Datum: 18.02.2021. godine

